

宣明論

卷之  
八六四五七九

劉河間六書  
第四卷

黃帝素問宣明論方卷之四

河間 劉守真 撰集

新安 吳勉學 校

熱論

黃帝曰病熱當何禁之岐伯曰病熱少愈食肉則復多食則遺此其禁也因熱稍愈猶未盡除不戒飲食勞動情慾擾亂柰脾胃氣虛未能消化堅食故熱復生五臟者皆熱

夫熱病者傷寒之類也人之傷於寒則為病熱寒毒



藏於肌膚陽氣不行散發而內爲怫結故傷寒者  
反病爲熱熱雖甚不死柰巨陽爲首巨陽者諸陽  
之屬也

諸陽爲熱以氣諸陰爲寒以血熱病已愈其有復作  
謂病已衰而熱有作所藏因其穀氣相薄兩熱相  
合故有所遺緣熱也雖邪氣而不盡遺熱在故當  
復作

五藏俱熱者皆視之肝熱在頰先赤心熱顏先赤脾  
熱鼻先赤肺熱右頰先赤腎熱順先赤肝熱者小  
便黃腹痛多卧身熱熱爭則狂驚脇滿手足躁而

不得安卧心熱者不樂數日乃熱熱爭則卒心痛  
煩悶善嘔頭痛面赤無汗脾熱者頭重頰痛煩心  
顏青欲吐身熱熱爭則腰痛不可仰腹滿泄兩頰  
痛肺熱者泫然厥起毫毛惡風寒舌上黃身熱熱  
爭則喘咳痛走胸背不得大息頭痛不堪汗出而  
寒腎熱者腰痛脰痠苦渴數飲食熱熱爭則項痛  
而強脰寒且痠足下熱不欲言 經曰汗出脉躁  
盛一死脉不與汗相應其病二死狂言失志者三  
死皆是怫鬱結不能解散以致危殆

素問諸熱者瘳暴瘖胃昧躁擾狂言罵詈驚駭肘腫

痰痰氣逆皆手少陽相火心胞絡三焦之氣也

夫腎水真陰本虚心火狂陽積熱以甚以致風熱壅  
滯頭面昏眩肢體麻痺皮膚瘙癢筋脉拘倦胸膈  
痞滿時或痛悶或鼻塞鼻衄口舌生瘡咽喉不利  
牙齒疳蝕或徧身生瘡癬疥或睡語咬牙驚惕虛  
汗或健妄心忪煩燥多睡或大小便澁滯或煩熱  
腹滿或酒過積毒勞役過度中外一切勞損神狂  
氣心志不寧口苦咽乾飲食減少變生風熱諸病  
虛羸困倦或酒病瘦悴及老弱虛人或脾腎經虛  
風熱燥鬱色黑齒宣身瘦焦痿或熱中煩滿飢不

飲食或癯或消中善食而瘦或消渴多虛頭面腫  
小便數或服其辛熱藥過度變成三消上則消渴  
中則消中下則消腎小便白膏也

神芎丸 治一切熱證常服保養除痰飲消酒食清

頭目利咽膈能令徧身結滯宣通氣利而愈神強  
體健耐傷省病并婦人經病及產後血滯腰脚重  
痛小兒積熱驚風潮搐藏用丸亦曰顯仁丸加黃  
連薄荷川芎各半兩名曰神芎丸

大黃

黃芩

各二兩

牽牛

滑石

四兩

右爲細末滴水爲丸如小豆大溫水下十九至



十五丸每服加十九日三服冷水下亦得或煉  
密丸愈佳或久病熱鬱無問瘦悴老弱并一切  
證可下者始自十九丸每服加十九丸以利爲度如  
常服此藥但除腸垢積滯不傷和氣推陳致新  
得利便快並無藥燥搔擾亦不困倦虛損頗遂  
病人心意或熱甚必須急下者便服四五十丸  
未利再服以意消息三五歲孩兒丸如麻子大  
九此一法此藥至善常服二三十丸不利藏府  
但有益無損或婦人血下惡物加桂枝半兩病  
微者常服病重者亦取利因而結滯開通惡物

自下也此方除藏府滑泄者或重寒脉遲者或  
婦人經病產後血下不止者及孕婦等則不宜  
服除此以外一切風熱雜病悶壅塞神氣不和  
或平人保養常服自顯其功若以効驗觀其藥  
味則非明本草造化之理者不可得而知其然  
也猶孔子讚易道明顯應化萬仁之善而不見  
其大道之功用故曰顯諸仁藏諸用因以云藏  
用丸亦其義也兼以世訛之久矣而反不喜此  
等妙方不肯服之每有久獲大効而誠懇求其  
方不得已而授之既見其方反生疑懼不復用

焉亦有效而志信求其方務以廣傳救疾因而  
衆議百端擬疑妄生謗說使致俗醫皆畏之致  
道不能神但有妨病者後之君子但行其藥明  
顯諸人勿示其方而密藏諸用耳或以一法加  
黃連川芎薄荷等各半兩治一切頭目昏眩者  
愈佳

柴胡飲子

治解一切肌骨蒸積熱作發寒熱往來

表熱裏和則發寒裏熱表和則發熱邪熱半在表

半在裏出人進退無和即寒熱往來陰陽相勝也

畜熱寒戰

表之陽和正氣與邪熱并畜於裏脈逆  
不行故身冷脈絕寒戰而反煩渴也

及傷寒發汗不解或中外諸邪熱口乾煩渴或下

後熱未愈汗後勞復或骨蒸肺痿喘嗽婦人餘疾  
產後經病

柴胡

人參

黃芩

甘草

大黃

當歸

芍藥

各半兩

右為末每服抄三錢水一盞生薑三片煎至七

分溫服日三服病熱甚者加減之

崔宣武柴胡飲子

加半夏

五味子

桔梗

各三

劉庭瑞柴胡飲子

與前分用不同故以錄之

柴胡

甘草

二兩

黃芩

當歸

芍藥

大黃

各一兩

人參

半兩

半夏

半兩



右為大勞熱病五七錢以利為度未利更加使  
病不再發也

木香萬安丸 治一切風熱佛鬱氣血壅滯頭目昏

眩鼻塞耳鳴筋脉拘倦肢體焦痿咽嗑不利胸膈

痞塞腹脇痛悶腸胃燥澁淋瀝不通腰脚重痛疝

痕急結疝癖堅積腸滯胃滿久不了絕走注疼痛

瘡風癩病濕病腹脹水腫

木香 棟桂 其遂各一分 牽牛二兩

大戟半兩 大黃 紅皮 檳榔各一兩

皂角二兩要得肥好者洗淨水三盞煮三二沸取出槌碎揉取汁再煮成膏下密熬二

沸便取出半夏

蜜各一兩

右膏丸小豆大每服十九至十五丸生薑湯下

小兒丸如麻子大水腫癰病諸積快利為度

玉芝徐老丸 治一切風壅消痰利膈胸脇痞悶美

飲食調五味

徐老緩慢遲老

天南星

乾薑

各半兩

黃栢

一兩半

牽牛

四兩

半夏

白礬

大黃

各一兩

蛤粉

二兩

右為末滴水和丸如小豆大每服十九至二十

丸溫水下食後日三服常服順氣調血令人徐

老或已衰大便結者除腸垢積物可漸加至三

五十九丸孕婦滑泄病忌服滑泄為牽牛大黃孕  
婦為南星半夏

消痞丸

治積濕熱毒甚者身體面目黃心脇腹滿

嘔吐不能飲食痿弱難以運動咽嗑不利肢體焦  
疴眩悸膈熱坐卧不寧心火有餘而妄行上為咳  
血衄血下為大小便血腸風痔瘻三焦壅滯悶瘴  
熱中消渴傳化失常小兒疳積熱

黃連

乾葛

各一兩

黃芩

大黃

黃蘗

梔子

薄荷

藿香

厚朴

茴香

炒各半兩

木香

辣桂

各一分

青黛

一兩研

牽牛 二兩

右為細末滴水丸如小豆大每服十丸新水下  
溫水亦得小兒丸如麻子大病本濕熱內甚本  
自利者去大黃牽牛忌發熱諸物

和中丸 治口燥舌乾咽嗑不利胸脇痞滿心腹痛

悶小便赤澁大便秘結滯風氣拂鬱頭目昏眩筋脉  
拘急肢體疲倦一切風壅常服寬膈美食消痰止

逆

牽牛 一兩  
官桂 一分  
大黃  
紅皮  
黃芩

茴香 各半  
木香 一分  
滑石 二



右爲末滴水丸如小豆大每服二十九前坐十葉湯下溫水亦得日三服

崔宣武和中丸

大黃 一兩

茴香

炒

外七味同

龍腦丸

治大小人一切蘊積熱毒氣不散及失痛

白痢

龍腦

朱砂

鵬砂

牛黃

各等分

右爲末鎔黃蠟爲丸如米粒大每服三五丸

甘草人參湯下不計時候

大金花丸

治中外諸



汗咬牙睡語驚悸瀉血

淋瀝咳血瘦弱



管萊肺痿喘咳去大

○又自各既濟解化丸○又名既濟淨化丸

大梔子

黃芩

黃芩

大黃各圭

右為末滴水丸如小豆大每服三二十九新法

水下自利去大黃加梔子小兒丸如麻子大三

五丸

龍腦丸 治腎水陰虛風熱蘊積時發驚悸筋

惕 志不寧榮衛壅滯頭目昏眩肌肉瞤瘲

胸高痞塞咽嗑不利腸胃燥泄小便溺悶筋膝攣

奇奇癩急也重也肢體痿弱暗風癩病小兒急慢驚風當

服宜通血氣調順陰陽病無再作

當歸 焙

龍膽草

大槐子

黃連

黃蘗

黃芩

各一兩

大黃

藜蘆

青黛

各半兩

木香

一分

麝香

半錢

右為末煉密和丸知小豆大小兒如麻子大生薑湯下每服二十九丸忌發熱諸物兼服防風通

聖散

軟金丸 治一切熱疾常服潤飢膚紫老諸熱證皆

可服

大黃

牽牛

皂角

各三兩 朴硝

半兩

右為末滴水和丸如桐子大每服三十丸白湯

下自十丸服至三十丸食後

妙香丸 治一切久遠沉積傷寒結胸太陽厥證燥

鬱攻不開者皆可服此藥亦名大聖丸

芭豆

去皮不出油

膩粉

礪砂

龍腦

麝香

牛黃

少許

朱砂

各分

水銀

各一錢錫結砂子

右為末煉密和丸又一方用蟾丸如皂子大用

藥時急要動一丸分作三丸劄作眼子冷水浸

煎大黃湯下然後服熱茶一盃便行也局方內

無礪砂加金薄

妙功藏用丸

新補

亦名顯仁丸又名神壽丸治嘔噦

宣月論方

卷之四

九

真



不食痿弱難運血溢而洩淋闕不通或泄利三焦  
壅滯傳化失常功不可求並宜服之

大黃

黃芩

黃連

各半

黑牽牛

一兩

滑石

二分

荆芥穗

二兩

防風

一分

川芎

一兩

木香

二分

官桂

三分  
去皮

右爲末滴水爲丸如小豆大每服二十九三十  
丸生薑湯下日三服溫水亦得

真帝素問宣明論方卷之五

河間 劉守真 撰集

新安 吳勉學 同校

# 傷寒門

## 主療說

傷寒表證當汗而不可下裏證當下而不可汗半在表半裏則當和解不可發汗吐下在上則通之在下則泄之傷寒無汗表病裏和則麻黃湯汗之或天水散之類亦佳表不解半入於裏半尚在表者小柴胡

湯和解之或天水涼膈散甚良表裏熱勢俱甚者大柴胡湯微下之更甚者大承氣湯下之表熱多裏熱少者天水一涼膈半和解之裏熱多表熱少未可下之者涼膈天水一半調之勢更甚者小承氣湯可之表證解但有裏證者大承氣湯下之凡此諸可下者通宜三一承氣湯下之發汗不解下後前後別無異證者通宜涼膈散調之以退其熱兩感倣此而已傷風自汗表病裏和者桂枝湯解肌半在表半在裏白虎湯和解之病在裏者大承氣湯下之○一法無問風寒暑濕有汗無汗內外諸邪所傷但有可下諸證

或表裏兩證俱不見而日深但日晴不了了晴不和  
者或腹滿實痛者或煩渴或譫妄或狂躁喘滿者或  
高熱極而將死者通宜大承氣湯下之或三一承氣  
湯充良傷寒大發汗汗出不解及無汗脉尚浮者蒼  
朮白虎湯再解之○或中暑自汗大出脉虛弱頭痛  
口乾倦怠煩躁或時惡寒或畏日氣無問表裏通宜  
白虎或裏熱勢甚腹滿而脉沉可下者宜大承氣湯  
或三一承氣湯傷寒表熱極甚身疼頭痛不可忍或  
咳或嘔裏有微熱不可發汗吐下擬以小柴胡天水  
涼膈之類和解恐不能退其熱勢之甚或大下後再



三下後熱勢尚甚不能退本氣虛損而脈不能實搥  
更下之恐下脫而立死不下亦熱極而死寒涼之藥  
不能退甚熱勢之甚者或熱濕內餘下利不止熱不  
退者或因大下後熱退利不止熱不退脈弱氣虛不  
可更下者或諸濕熱內餘小便赤澀大便溏泄頻併  
少而急痛者必欲作利也須宜黃連解毒湯○或裏  
熱極甚而恐陰氣不能退者或已下後熱不退者或  
蓄熱內甚陽厥極深以至陽氣沉細而不能營運於  
身陰欲絕而以致徧身青冷痛甚不堪項背拘急日  
赤睛疼昏眩恍惚咽乾或痛躁渴虛汗嘔吐下利腹

滿實痛煩痞悶亂喘息急聲脈雖疾數以其畜熱極深而脈道不利以致脈沉細而欲絕俗未明其造化之理而及傷熱寒極陰毒者或始得之陽熱暴甚而便有此證者○或兩感勢甚者通宜解毒湯加大承氣湯下之熱不退者再下之然雖古人皆云三下熱不退即死矣亦有按法以下四五次利一二十行熱方退而救活者免致不下退其熱而必死也下後熱稍退而未愈者黃連解毒湯調之或微熱未除者涼膈散調之或失下熱極以至身冷脈微而昏身將死者若急下之則殘陰暴絕陽氣後竭而立死不下亦

死當以涼膈散或者黃連解毒湯養陰退陽畜熱漸以消散則心胸腹暖脉漸以生至陽脉復有力者方可以三一承氣湯微下之或解毒加大承氣湯尤良或下後微熱不解者涼膈散調之愈後但宜退熱之藥忌發熱諸物陽熱易爲再作也

論風熱濕燥寒

諸風

風本生熱以熱爲本風爲標言風者即風熱病也

諸熱

熱甚而生風或熱微風甚即兼治風熱或風微熱甚

但治其熱即風自消也

諸濕

濕本土氣火熱能生土濕故夏熱則萬物濕潤秋涼則濕復燥乾也濕病本不自生因於火熱怫鬱水液不能宣行即停滯而生水濕也凡病濕者多自熱生而熱氣尚多以爲兼證當云濕熱亦猶風熱義同雖病水寒不得宣行亦能爲濕雖有此異亦以鮮矣或跗腫體寒而有水者以爲畜熱入裏極深本非病寒也及夫寒熱吐瀉因得濕而成也

諸燥



燥乾者金肺之本肺藏氣以血液內損氣虛或風則  
皴揭風能勝濕熱能耗液皆能成燥故經云風熱火  
兼爲陽寒濕燥同爲陰又燥濕亦異也然燥金雖屬  
秋陰而其性異於寒濕燥陰盛於風熱火也故風熱  
甚而寒濕同於燥也然中寒吐瀉亡液而成燥者亦  
以此矣故經云諸澁枯涸乾勁皴揭皆屬於燥也

### 諸寒

寒者上下所生水液澄徹清冷穀不化小便清白不  
澁身涼不渴本末不經有見陽熱證其脈遲者是也  
此因飲食冷物過多陰勝陽衰而爲中寒也或冷熱

相併而反陽氣怫鬱不能宣散怫熱內作以成熱證者不可亦言爲冷當以成證辨之夫濕熱吐瀉當見陽脈若亡液氣虛亦能反見諸陰脈也當以標本明之不可妄治或熱證誤服白朮調中湯溫藥亦能開發陽氣宣通而愈別無加害也

### 傷寒表證

夫傷寒之候頭項痛腰脊痠身體拘急表熱惡寒不煩躁無自汗或頭而痛肌熱鼻乾或胸滿而喘手足拮未微厥脈浮數而緊者邪熱在表皆麻黃湯發汗之證也或天水散之類甚佳

傷寒表裏證

傷寒身熱為熱在表引飲或小便黃赤熱在裏身熱渴或小便黃赤為表裏俱有熱涼不滑小便清白為表裏俱無熱身疼拘急表熱惡寒而脈浮者皆為熱在表也引飲譫妄腹滿實痛發熱而脈沉者皆為熱在裏也胸脇痞痛或嘔而寒熱往來脈在肌肉者邪半在表半在裏也

內外傷

始得病脈便沉而裏病表和者內傷也脈浮而張病裏和者外傷也病在身體頭面四肢為表病在胸腹

之內爲裏病也

傷寒論

夫風寒者百病之始也是四時入節不正疫癘之氣  
故云春氣溫和夏氣暑熱秋氣清涼冬氣冰冷乃四  
時之正氣冬時嚴寒萬類深藏君子固密則不傷於  
寒觸冒之者乃傷耳春應煖而反寒夏應熱而反冷  
秋應涼而反熱冬應寒而反溫非時而邪氣是以幸  
苦之人一歲之中病無少長始自一日巨陽膀胱受  
之巨陽者二陽之首故先受之二日陽明胃受之三  
日少陽膽受之未入其藏可汗之四日太陽脾受之



五日少陰腎受之六日厥陰肝受之其人藏可也之  
經云其未滿三日汗之而已其滿三日泄之而已故  
聖人論汗下大槩言之以脉分別三四日脉沉伏亦  
當下六七日脉浮滑亦可汗故傷寒傳足經不傳手  
經未詳耳且自人身十二經絡分布上下手足各有  
三陰三陽稟天地之氣天樞之上同天之陽天樞之  
下同地之陰至真大論云身半以上其氣三矣矣之  
分也天氣主之身半以下其氣三矣地之分也地氣  
主之注云當陰之分冷病歸之當陽之分熱病歸之  
有八節邪氣所中於人陽邪爲病傳手經陰邪爲病

傳足經其邪自何而入自風池而入爲春骨兩傍一  
寸五分是十二經之俞穴春夏應陽秋冬應陰至真  
大論云寒暑溫涼盛衰之用其在四維故陽之動始  
於溫盛於暑陰之動始於涼盛於寒春夏秋冬各差  
其分易云水流濕火就燥熱論云熱病者皆傷寒之  
類也人之傷於寒則爲病熱熱雖不死大陰明陽論  
云陽受風氣陰受濕氣注云同氣相求耳又曰傷於  
風者上先受之傷於濕者下先受之注云陽氣炎上  
故受風陰氣潤下故受濕蓋同氣相合耳故風熱火  
爲陽寒濕燥爲陰熱論云五藏俱有熱病肝熱病

左頰先赤心熱病頰先赤脾熱病鼻先赤肺熱病右

頰先赤腎熱病頰先赤甲乙熱論云有手足太陰熱

病有手足少陰熱病有手足厥陰熱病熱論其三陰

三陽五藏六府皆受病榮衛不行五藏不通則死矣

未嘗則傳足經不得手經

麻黃湯 治傷寒頭痛發熱體痛惡風無汗喘滿

又治太陽病脉浮緊無汗發熱身疼八九日不解

表證仍在此當發其汗其人發煩目瞑必衄衄者

陽氣重也

麻黃 一兩半 去節

桂枝 一兩 去皮 其草 半兩 炙

杏仁

二十枚湯浸去皮尖或蒸痛身煩瀉  
小便自利者加白木四分微汗之

右為末每服三錢水一盞半煎至八分去滓溫

服不計時候衣覆以取汗

桂枝湯

治傷寒發熱惡寒乾嘔頭痛太陽中風陽

浮陰弱解肌脉浮緊鼻鳴者

桂枝

三分  
去皮

芍藥

三分

甘草

三分

右剉如麻豆大每服五錢水一盞半生薑三片

棗三箇煎至七分不計時候

小青龍湯

治傷寒表未罷心下有水氣乾嘔發熱

而咳或滑利小便不利小腹滿喘



麻黃 去節湯炮去黃汗焙乾三錢利者去麻黃加芫花彈子大噎者去麻黃加附子

右劉如麻豆太每服五錢水一大盞煎至半盞

生薑棗同煎不計時候溫服

瓜蒂散 治傷寒表證罷邪熱入裏結於胸中項滿

而飢不能食四肢微厥而脉乍緊者宜以吐之經

云在上吐之在下洩之

瓜蒂 赤小豆 等分

右為末香豉半合 豆豉是也 水一盞半煮取汁半盞

調下錢七不吐加服

五苓湯 五苓散是也 治傷寒中暑大汗後胃中乾煩躁不

得眠脉浮小便不利微熱煩渴及表裏俱熱飲水  
反吐名曰水逆或攻表不解當汗而反下之利不止脉  
浮表不解自利或一切留飲不散水停心下并兩  
感中濕而昏躁霍亂吐瀉驚風

猪苓

去皮

茯苓

去皮

白朮

各半兩

桂

一分

澤瀉

一兩

右爲末每服二錢熱湯調下愈妙加滑石二兩  
甚佳喘嗽煩心不得眠者加阿膠半兩枯薑大  
暑新水調服立愈



黃帝素問宣明論方卷之六

河間 劉守真 撰集

新安 吳勉學 校

傷寒方

抵當湯 治傷寒日深表證乃甚畜熱下焦脉微沉

不結胸發狂者小腹脹而硬小便自和者瘀血證

也小便不和無血也或陽明畜熱內甚而喜忘或

狂大便雖硬而反易其色黑者有畜血也無表裏

證但發熱日深脉雖浮者亦可下之或巴下後脉



數胃熱消穀善飢數日不大便有瘀血也

桃仁 七箇 大黃 一分 水蛭 炒 蛭蟲 各十箇夫 翅足炒

右劉如麻豆大分作二服水一盞煮半盞絞去

滓温服未下再服

抵當丸 治傷寒有熱小腹痛滿小便不利者為有血

也當下之不可餘藥

桃仁 八箇 大黃 一分 水蛭 炒 蛭蟲 各七箇 依前炒

右為末密和作二丸用水一小盞煮一丸至六

分温服時時血未下再服

大承氣湯 治表裏俱熱病勢更甚者陽明脉遲汗

出不惡寒身重

語如見鬼狀劇者

發則不識入循衣摸牀惕而不安微喘直視陽明  
裏熱極甚或吐下後不解大便五六日至十餘日  
日晡潮熱心胃燥熱而懊憹復如瘧狀脉沉實或  
小便不利大便乍難乍易喘胃不能卧或腹滿實  
痛煩渴譫妄脉實數而沉重熱燥甚腸胃佛鬱留  
飲不散胸腹高起痛不可忍但嘔冷夜大渴反不  
能飲強飲不能止喘急悶者

大黃 半兩

芒硝 半兩

厚朴

半兩

枳實

半兩

右剉如麻豆大分等水一盞半生薑三片煎至

六分內縮硝煎去滓服

小承氣湯 治傷寒日深恐言燥屎腹中轉失乃可

攻之不轉失者必初硬後溏未可攻之攻之則腹

滿不能食飲水而噦其後發熱大便復硬若腹大

滿不通或陽明多汗津液外出腸胃躁熱大便必

硬而譫語脉滑以下微煩小便數大便結或下利

譫語自得病二三日脉弱無太陽證柴胡證煩心

心下結至四五日雖能食少少與承氣湯和之令

小安

大黃半兩厚朴三錢枳實三錢

右判如麻豆大分作二服水一盞生薑三片煎  
至半盞絞汁服未利再服

調胃承氣湯

治諸發汗和解不惡寒但發熱蒸蒸

然者或日深心下溫溫欲吐胸中痛大便澹腹滿

鬱鬱微煩先此時吐下者或日深裏熱譫語法當

下之以銀粉巴豆燥熱大毒丸藥下之致真陰損

虛邪熱轉甚因而協熱下利不止及表裏熱下之

太早乘虛而入不成結胸但爲熱利不止滿鞭或

痛煩渴咽乾脉滑數而實諸腹滿實痛者煩渴譫

妄小便赤大便鞭脉滑實緊



大黃

芒硝

甘草

各等分

右剉如麻豆大分一半水一大盞煎至半盞絞去滓內硝煎不利再煎服

三一承氣湯

治傷寒雜病內外所傷日數遠近腹

滿咽乾煩渴譫妄心下按之硬痛小便赤澁大便

結滯或濕熱內甚而為滑泄熱甚喘咳悶亂驚悸

狂顛目赤口瘡舌腫喉痺癰瘍陽明胃熱發斑脉

沉可下者小兒熱極風驚口搐須喘昏塞并斑痧

黑陷小便不痛腹滿欲死或斑疹後熱不退久不

作痂或作斑紋瘡癬久不已者拂熱內成疹癍堅

積黃瘦痛疾又新卒暴心痛風痰漚隔腸垢積滿  
 久壅風熱暴傷酒食煩心悶亂脉數沉實或昏  
 陰虛陽熱獨甚而僵仆卒中一切暴音不語失音  
 畜熱內甚陽厥極深脉反沉細欲絕或表之冲和  
 正氣與邪熱并之於裏則裏熱亢極陽極似陰反  
 為寒戰脉微而絕或風熱燥甚容於下焦而大小  
 便澀滯不通者或產婦死胎不下及兩感表裏熱  
 甚須可下者

大黃

半兩 師文

芒硝

半兩

厚朴

半兩 去皮

枳實

半兩

甘草

一兩

右到如麻豆大水一盞半生薑三片煎至七合  
肉礪煎二服去滓服

十棗湯 治太陽中風下利嘔逆短氣不惡寒熱熱  
汗出發作有時頭痛心下痞硬引下痛兼下水腫  
腹脹并酒食積脹垢積滯痞癖堅積畜熱暴痛瘡  
氣又不已或表之正氣與邪熱并甚於裏熱極似  
陰反寒戰表氣入裏陽厥極深脉微而絕并風熱  
燥甚結於下焦大小便不通實熱腰痛及小兒熱  
結乳癖積熱作發驚風潮搐斑疹熱毒不能了絕  
者

大戟

荒花

慢火炒變色仲景鄉俗異語云炒作熬下凡言熬者皆乾炒也

其遂

各等分

右為末水一大盞棗十枚切開煮取汁半盞調

半錢已實人每一錢

茵陳湯 治陽明裏熱極甚煩渴熱鬱留飲不散以

致濕熱相搏而身發黃疸但頭汗出身無汗小便

不利渴引水漿身心發黃宜茵陳湯謂下五苓散黃利大小

便

茵陳蒿

一名茵陳一兩去莖

大黃

半兩

大梔子

七箇色深堅實好者稍小者用十箇



右剉如麻豆大水二盞半慢火煮至一盞絞汁  
溫服以利爲度甚者再作當下如爛魚肚及膿  
血膠腠等物及小便多出金色如皂莢汁或見  
證將發黃此一劑分作四服調五苓散三錢凡  
治發黃者無越此法妙

桂苓甘露散 一名桂苓白朮散 一方甘草一兩半 治傷寒中暑胃風飲

食中外一切所傷傳受濕熱內甚頭痛口乾吐瀉  
煩渴不利間小便赤澁大便急痛濕熱霍亂吐下

腹滿痛悶及小兒吐瀉驚風

茯苓 一兩 去皮 甘草 二兩 白朮 半兩 澤瀉 一兩

桂半兩  
去皮

石膏二兩

寒水石二兩

滑石四兩

猪苓半兩

右爲末每服三錢温湯調下新水亦得生薑湯

尤良小兒每服一錢同上法

此藥下神金丸止瀉痢無不驗也并

解內外諸邪所傷濕熱又一方却不用猪苓或曰三服不計時候

梔子蘘皮湯 治頭微汗小便利而微發黃者濕熱

相搏微者宜服

黃蘘半兩

甘草一分

大梔子

十五個

右剉如麻豆大水三盞煎至一盞絞汁分次作

一日温服之

梔子湯

治懊懷煩心反傷不得眠燥熱怫鬱於肉

而氣不宜通胸滿痛頭微汗虛煩

大梔子

七箇剉碎

豆豉

半合俗言鹽豉少氣者加其草一分嘔者

誤以丸藥下之者加生薑半兩或用溫湯濯手足使心胸結熱宣通而已

右剉如麻豆大或先以水二盞煮梔子至一盞

半內豉煮至半盞絞汁溫服

凡加者皆用梔子先煮或吐止後服

凡用梔子湯皆非吐人之藥以其燥熱鬱結之甚而藥頓攻之不能開通則發熱而又吐發開鬱結則氣通津液宣行而已故不須再服也

大陷胸湯

治汗下之後不大便五六日舌乾而渴

日晡潮熱從心至小腹脹滿而痛不可近脉當沉

緊滑數或但胸結則無大段熱頭微汗出脉沉澆者水結也

大黃 三錢 芒硝 三錢 其遂末 三字

右劉如麻豆大分作二服每服水一盞煎大黃至六分內硝一二沸絞汁調其遂一字七半温服未快利再服勢惡不能利以意加服

小陷胸湯 治小結胸心下按之痛脉浮而滑無大

段熱表未罷不可下之下之即死小結胸宜服

半夏 四錢湯洗全用不剉 生薑 二錢切 黃連 二錢剉

栝樓實 大者半兩惟剉其殼子則不剉若剉其中子者非也



右以水三盞煮栝樓汁一盞半肉藥至一盞絞汁兩次溫服以効

大陷胸丸 治發熱而下之太早熱入因作結胸者

項亦強如桑癭狀下之則和也

大黃 半兩 芒硝 一分 杏仁 十二箇去皮尖雙仁草灰炒變色

葶藶 三錢 微炒

右大黃為末下葶藶杵羅研杏仁硝如泥和彈

子大每服一九入甘遂末三字白蜜半匙水一

盞煮至半盞溫服當一宿許乃下未利再服

梔子厚朴湯 治傷寒下後心煩腹滿坐臥不安者

大梔子

七箇

枳實

二錢

厚朴

半兩 去皮炙

右剉如麻豆大以水一盞半煮絞汁半盞溫服

檳榔散

治傷寒陰病下之大早成痞心下痞滿而

不痛按之軟虛也

檳榔

枳殼

等分

右為末每服三錢煎黃連湯調下不計時候溫

服

大黃黃連瀉心湯

治傷寒成病痞不已心腹亦實

熱煩滿或譫妄而脉沉無他證者

大黃

黃連

黃芩

各一分又一法加生薑一分甚良

右剉如麻豆大水二盞煎至一盞絞汁分二次  
温服

黃連解毒湯

治瀉寒雜病躁熱毒煩悶乾嘔口燥

吟呻喘滿陽厥極深畜熱內甚俗妄傳為陰毒者  
及汗下吐後寒涼諸藥不能退熱勢兩感證同法

黃連

去鬚

黃蘗

黃芩

大梔子

各半兩

右剉如麻豆大每服秤半兩水一茶盞煎至四  
分絞去滓温服或腹滿嘔吐或欲作利者每服

加半夏

三箇生全用

厚朴

二錢剉

茯苓

二錢去皮剉

用水一

盞半生薑三片煎至半盞絞汁温服各半夏黃

連解毒湯

白虎湯加減白虎湯隨證曰治傷風自汗桂枝證表未解半斑

於裏中暑自汗脉虛弱傷寒自汗脉滑數而實表

裏俱熱三陽合病腹滿身重口燥面垢譫語發黃

厥逆自汗和解兩感解頭痛止自汗雜病時疫未

瀉發斑兼豆疱瘡疹伏熱

知母一兩 甘草一兩 粳米一合 石膏四兩  
為末

右剉如麻豆大抄五錢水一盞煎至六分去滓

温服無時候日三四服或眩欬嘔者加半夏

兩紅皮半兩每服生薑二片煎服傷寒發汗不



肝脉浮者加蒼朮半兩名蒼朮白虎湯 汗吐

下後煩渴口乾脉洪大加人參半兩名人參白

### 虎湯

賈同知已効方

石膏 四兩 知母 一兩 甘草 一兩

劉庭瑞已効方

知母 半兩 石膏 四兩 粳米 一合

崔宣武已効方

知母 一兩 石膏 三兩 甘草 一兩

右為末每服三錢水一盞入粳米二十五粒拍

至六分未會下胃熱發斑兼豆疱如液虛瘦加  
人參半兩白朮半兩頭疼加川芎荆芥各三錢  
咳嗽加半夏三錢桔梗一兩恍惚加人參三錢

茯苓半兩

涼膈散一名連翹飲子

治傷寒表不解半入於裏下

證未全下後燥熱怫結於內煩心懊憹不得眠

府積熱煩渴頭昏唇焦咽燥喉閉目赤煩渴口苦

生瘡欬唾稠粘謔語狂妄陽胃燥澀便溺閉結風

熱壅滯瘡癬發斑驚風熱極黑陷將死

翹一兩 山梔子半兩 大黃半兩 薄荷葉半兩

黃芩 半兩 甘草 半兩 朴硝 一分

右為末每服二錢水一盞密少許同煎至七

去滓溫服虛實加減咽喉痛涎嗽加桔梗 兩非

芥穗 兩半 嗽而嘔者加半芩 半兩每服生薑三片同煎 血衄嘔

血加當歸 兩半 芍藥 兩半 生地黃 兩一 淋者加滑石 兩四

茯苓 一兩 風眩加芎 兩半 石膏 兩三 防風 兩半 酒毒加

葛根 兩一 荆芥穗 兩半 赤芍藥 兩半 芎 兩半 防風 兩半 桔梗

半兩三歲見可服七八錢或無熱甚黑陷腹滿 喘急小使赤虛而將死者此○服更加大防風

湯約以下之 得和者直効 凡言加者皆自本方加也以上之

減退表裏熱加益元散効速

人參石膏湯 治傷寒咳嗽不已心煩及風熱頭痛

精神不利昏憤宜服

人參 一錢

石膏 二兩

芎 半兩

半夏 二錢

去滑

白朮 半兩

茯苓 半兩

甘草 一兩

大梔子 三錢

知母 半兩

黃芩 二錢

右為末每服一錢水一盞生薑三片煎至六分

去滓溫服

崔宣武人參石膏湯 治傷寒頭痛心煩悶風熱并

汗後餘熱自汗多清頭目定喘嗽

人參 二錢

石膏 一兩

芎 一兩

黃芩 二錢



茯苓 三錢 甘草 半兩 防風 三錢

右爲細末每服五錢水一盞半煎至六分去滓  
溫服不計時候

雙解散 治風寒暑濕飢飽勞役內外諸邪所傷無

問自汗汗後雜病但覺不快便可通解得愈小兒  
生瘡疹使利出快亦能氣通宣而愈

益元散 七兩 防風通聖散 七兩

右二藥一處相和名爲雙解散益元散方在痢

門通聖散方在風門各七兩攪勻每服三錢水

一盞半入葱白五寸鹽鼓五十粒生薑三片煎

至一盞温服

白朮散

治傷寒雜病一切吐瀉煩渴霍亂虛損氣

弱保養衰老及治酒積嘔噦

白朮

茯苓

去皮

人參

各半

甘草

一兩

木香

一分

藿香

半兩

葛根

一兩

右為末白湯調下二錢煩渴者加滑石二兩甚

者加薑汁續續飲之

四逆湯

治傷寒表熱未入裏誤以寒藥下之太早

表熱不已入裏寒下利不止因表熱裏寒自利急

以温裏利止又治少陰病脉沉下利厥逆煩渴嘔

吐

甘草

一錢

乾薑

一分

附子

半箇生去皮臍附子以半兩者佳小者力

弱大者性惡非古方之宜也不但以美其大者要知古人之有則也

右剉如麻豆大水二盞煎至一盞絞汁溫服或

畜熱深極而手足厥冷者不宜此方當以下之

茯苓半夏湯

治傷寒雜病一切嘔吐或喘咳痰痛

痞滿頭痛者

茯苓

一分

半夏

一錢

生薑

一分

一方加

黃芩

一分

甘草

一分

紅皮

一分

治風痰

明劉如麻豆大水一盞煎至四分絞勻下生薑  
汁溫服不計時候

黃帝素問宣明論方卷之六

宣明論方

卷之六





黃帝素問宣明論方卷之七

河間

劉守真

撰集

新安

吳勉學

校

積聚論

素問曰積聚留飲痞隔中滿濕積霍亂吐下瘕瘕堅

硬腹滿皆太陰濕土乃脾胃之氣積聚之根也

積音

不散聚者不化留者不行飲者停滯痞者不通隔者阻也中滿者濕為積霍亂吐下為留停瘕瘕者微也瘕斯疾迺五臟六腑陰陽變化興衰之制也

亢則害承迺制極則反矣

謂水得燥則消散而得濕則不消乃爲積飲也謂人形精神與榮衛血氣津液出入流通謂夫腠理閉密乃爲痞也謂腸胃隔絕傳化失常而乃滯也土主形體腹滿於中央乃曰中滿以傳化失度故甚則霍亂吐瀉也癥者腹中主硬按之應手然水體柔順而今乃堅硬如此者亢則害承乃制也瘕者中雖硬而忽聚忽散無其常故其病未及癥也經曰血不流而滯故血內凝而乃瘕也

小腸移熱於大腸乃爲虛瘕大腸移熱於小腸謂兩熱相搏則血溢而爲伏瘕血溢不利月事沉滯結

不行故行爲慮癥爲慮與伏同癥與疝同爲傳寫  
誤也世傳冷病然癥病亦有熱或陽氣鬱結怫熱  
壅滯而堅硬不消者世傳爲寒癥癥也或堅痞腹  
滿急痛寒主筋縮故急主痛寒極血凝泣而反兼土化制之  
故堅痞之腹滿或熱鬱於內而腹滿堅結痛不可  
忍者皆可爲寒誤矣誤矣

何不以脉證辨之凡諸疾病皆有陰陽寒熱宜推詳  
之五臟六腑四季皆有積聚心之積名曰伏梁在  
於臍上大如臂上至於心橫於心下如屋梁故曰  
伏梁肝之積名曰責音奔氣在左脇下覆如杯有頭



足久不愈令人痲瘡脾之積名曰痞氣在胃腕覆  
大如杯久不愈令人四肢不收發黃疸食不爲膚  
肌肺之積名曰息賁結在右脇下覆大如杯久不  
愈令人灑淅寒熱喘咳發爲肺癰腎之積名曰音  
奔音狇在於小腹上至心下如狇賁走往來無定久  
不愈令人喘逆發爲骨痿少氣乏力此爲五藏之  
積也常窵斯義未可悉也

傳其所勝者死傳不勝者可治假令肺病傳肝肝病

傳脾脾病傳腎腎病傳心心病傳肺皆傳所勝五

藏之氣虛而內外諸邪所侵故留稽不行遂成積

聚其脉沉細而微者是也

木香三稜丸

治一切氣悶胸膈痞滿榮衛不和口

吐酸水嘔逆惡心飲食不化肋脇疼痛無問久新

青木香

破故紙

茴香

黑牽牛

甘遂

芫花

大戟

荆三稜

蓬莪茂

川練子

葫蘆芭

芭戟

已上各一兩

芭豆

去皮不出油二分

陳米

三合將芭豆一處同炒黑

縮砂仁

一兩半

右件一十五味用好醋二升除縮砂木香餘藥

入醋中浸一宿入鍋煮盡為度乾為細末醋麩

糊和丸如菉豆大每服五七丸食後加減看虛

實隨湯水下

導氣枳殼丸 治氣結不散心胸痞痛逆氣上攻分

氣逐風功不可述

枳殼去穰 麩炒 木通剉炒 青皮去皮 陳皮去白

桑白皮剉炒 蘿蔔子剉炒 白牽牛炒 黑牽牛炒

莪茂煨 茴香炒 荆三稜煨各等分

右為末生薑汁打麩糊為丸如桐子大每服三

十丸煎橘皮湯下不計時候

透膈寬腸散 治腸上壅實膈熱難行者

白牽牛兩 芒硝兩 三川大黃兩 甘遂半兩

右爲細末食後溫蜜水調下一錢虛實加減踈動止

密補固真丹

治脾腎真元損虛泄痢痰嗽痞水

穀酸臭飲食無味臍腹冷痛肢體麻痺下虛痰厥  
上實壅滯腎虛耳鳴脾虛困憊耳焦齒稿面黧身  
悴目黃口燥髮墮爪退風虛偏枯中滿膈氣一切  
脾胃虛證常服補養宜通氣血

天南星半兩半夏半兩

製神麩

麥蘖

茴香炒

荆三稜

炮各一兩

白附子

乾生薑

川烏頭

生各一兩

芭豆七箇牽牛三兩

代赭石兩官桂分一



右爲末水和丸小豆大每服十九加至五十九

溫水下除泄瀉外並加大黃一兩

木香丸 治和脾胃寬胃膈消痰逆止嘔吐進益美

飲食

官桂

乾薑

名半兩

木香

分一大黃

蓬莪茂

芫花

醋拌濕炒乾

枳殼

去穰陳皮

各半兩

半夏

二兩

牽牛

半斤取末四兩

茴香

炒一兩

芭豆

四箇

右爲末滴水爲丸如小豆大每服二三十丸溫

水下

軟金丸

治心胸腰腹急痛或淋悶升產後經病血

刺痛

當歸 半兩

乾漆 二錢

紅花 一錢半用

輕粉

硃砂

粉霜 各一錢

一二稜

二錢

右同研勻棗肉為膏和丸菉豆大新水下一丸  
病甚者加得利後減

泥金丸 治心腹急痛取久新沉垢積滯推陳致新

黃蘗

大黃

芭豆

五靈脂

各半兩

猪牙皂角

一分 輕粉

粉霜

硃砂

各一分

乾漆 一分

右研勻煉蜜拌得所杵于下丸菉豆大新水下

一九未利更加服

狀元丸 治膈氣酒膈酒積涎嗽腹痛吐逆痞滿

芭豆 五十各取霜 神麴 半兩未 半夏 一兩洗 雄黃

白麴 一兩炒

右研勻酒水丸小豆大細米糠炒變赤色食後

溫水下童子二丸三四歲一丸歲半半丸止嗽

溫瀝汁下止嘔吐生薑湯下

玄胡丸 治積聚癥瘕解中外諸邪所傷

玄胡索 青皮 去白 陳皮 去白 當歸 木香

雄黃 別研 荆三稜 生薑 各一兩

右爲末酒麪糊爲丸如小豆大每服五七丸生

薑湯下

又一方

無陳皮

生薑

有廣莢一

檳榔分兩

大延胡索散

治婦人經病產後腹痛腹滿喘悶癥

瘕癖塊及一切心腹暴痛

延胡索

當歸

芍藥

京三稜

川苦練

蓬莪茂

官桂

厚朴

木香

川芎各一分

桔梗

黃芩

大黃各半兩

甘草一兩

檳榔二錢

右爲麤末每服三錢水一盞煎至六分去滓熟



服食前如惡物過多去大黃官桂加黃藥子染  
塊子龍骨各半兩如前法煎服乎人心急痛加  
本方得利尤良後常服

三稜湯 治癥瘕痞積聚不散堅滿痞膈食不下  
腹脹

荆三稜兩白朮兩蓬莪茂兩當歸兩枳榔

木香三錢

右爲末每服三錢沸湯點服食後每日三服

消飲丸 治一切積聚痞瘕氣塊及大小結胸痛不

能仰

天南星

半夏

芫花

自然銅

等分  
生用

右為末醋煮麩糊為丸如桐子大每服五七丸  
食前溫水下良久葱粥投之相虛實加減

除濕丹

治諸濕客搏腰膝重痛足脛浮腫筋脉眩

急津液凝澁更溺不利赤癰疔疽癰發背疥癬走

注脚氣無首尾瘡癩功效不可盡述

檳榔

甘遂

葳靈仙

赤芍藥

澤瀉

葶歷

已上各  
二兩

乳香

沒藥

一兩  
別研

黑牽牛

半兩

大戟

二兩  
炒

陳皮

四兩  
去白

右為末麩糊為丸如桐子大每服五十九至七

八十九丸溫水下後食如服藥前後忌酒一日藥後忌濕麪食溫粥補暖

保安丸 治癥積心腹內結如拳漸上不止捨心爽

痛及遶臍腹痛不可忍者

川大黃 三兩新水浸一宿蒸熟切片子焙

乾薑 一兩炮

大附子 半兩去皮臍

鱉甲 一兩半好醋一升伏時炙令倍乾妙

右為末取三年米醋一大升先煎四五合然後

和藥丸如桐子大每服十九至二十九空心醋

或酒米飲下後取積如魚腸膿血爛肉汁青泥

當下

開結妙功丸

治佛熱內盛痲痺堅積腸結癥瘕積

聚疼痛脹悶作發有時三焦壅滯二腸閉結胸悶  
煩心不得眠咳喘噎逆不能食或風濕氣兩腿爲  
腫脹黃瘦眼溢昏暗一切所傷心腹暴熱肝腎燥  
鬱偏正頭疼筋脉拘痠肢體麻痺走注疼痛頭目  
昏眩中風偏枯邪氣上逆上實下虛脚膝痲木不  
通氣血

荆三稜

炮

茴香

各一兩炒

川烏頭

四兩

神麴

麥芽

大黃

各一兩好醋半升熬成稠膏  
不破堅積不須熬膏水丸

乾姜

二錢

巴豆

二箇破堅  
積用四箇

半夏

半兩

桂

二錢

牽牛

三兩



右爲末膏丸小豆大生薑湯下十九十五丸溫  
水冷水亦得或心胃間稍覺藥力煖性却減允  
數以加至快利三五行以意消息病去爲度

木香分氣丸

治積滯癖塊不消心腹痞結疼痛搶

刺如覆杯狀

陳皮

去白

檳榔

各一

破故紙

二兩

木香

一兩

黑牽牛

十二兩炒香熟取  
末五兩半不用

右爲末滴水爲丸如桐子大每服二三十丸生

薑湯下食後臨臥服

開胃生薑丸

治中焦不和胃口氣塞水穀不化噫

氣不通噎塞痞滿口淡吞酸食時膨脹臑逆惡心  
嘔吐痰水宿食不消咳嗽喘肋刺痛寬中開胃進  
飲食

桂心 一兩

生姜

一斤切作片子鹽三兩  
曬一日再焙乾

青皮

去白

陳皮

去白

甘草

炙各縮砂仁  
二兩各四十

廣茂

當歸

各半兩

右為末煉蜜為丸如彈子大每服一九食前細  
嚼沸湯化下

導滯定功丸

治一切心腹卒暴疼痛及胸中不利

消食止逆定疼痛

大椒 木香各一錢 蝎梢三錢 芭豆入筒出 汕為度

右為末後入芭豆霜研勻醋麩糊和丸如菜豆

大朱砂為衣每服五丸至十丸淡醋湯下

積氣丹 治一切新久沉積氣塊面黃黑瘦諸氣無

力癥瘕積聚百吐酸水

檳榔簡 芫花一兩 硃砂二錢 芭豆二錢 半生

青皮去自 陳皮各三錢 蓬莪茂 雞爪黃蓮

京三稜 章柳根 牛膝各一兩 肉豆蔻三錢

大戟 川大黃 甘遂 白牽牛

乾薑 青礞石 乾漆各半 木香二錢 半

石菖蒲三錢

右為末醋麴糊和丸如桐子大每服一九臨臥

燒棗湯下每夜九服後有肚肉作聲病退為度

金露紫苑丸 治一切脾積兩肋虛脹臍疼痛

草烏頭去皮尖 黃連半兩 官桂 桔梗

乾地黄 乾生姜 川椒 蕪荑 紫苑紫苑

柴胡 防風 厚朴 甘草 人參

川芎 鱉甲酒浸 貝母 枳殼 甘遂各一兩

芭豆三兩酒煮 半日出油 入硃砂三生

右為末水煮麴糊為丸如桐子大每服五九空



心臨臥米飲湯下或微踈動詳虛實加減

信香十方青金膏

灌頂法王子所傳十二上願云

藥師璫璃光如來應當供養正徧知明行足善芬

世間解無上士調御丈夫天人師

佛世尊方境授治周身中外陰陽不調氣血壅滯  
變生百病乃至虛羸困倦偏攻酒食內傷心腹滿  
塞急痛或酒積食積癥瘕積聚疝癖堅積中滿膈  
氣食臭酸醋嘔吐翻胃或膈痺消中善食而瘦或  
消渴多飲而數頻也小便或腸風下血痔瘻冷  
痛或胃癰疔或偏身癰疽惡瘡或瘡毒已入於裏

腹滿嘔吐或成瀉痢或出惡瘡疔肉或下痢腹痛  
或一切風氣肢體疼痛及中風偏枯或痰逆生風  
痰涎嗽兼產後腹痛及小兒疳疾諸風潮搐但平  
人常服補養宜行榮衛調飲食

信砒

乳香

輕粉

粉霜

芭豆

已上各  
二兩同研

龍腦

字

麝香

字青黛

二錢同研

黃蠟

三錢

右研細末鎔蠟入蜜半錢就搓勻旋丸菉豆至  
小豆大先服小丸病在上食後在下食前在中  
不計時候面東頂禮一丸淨器盛水送下如合  
藥即淨處面東每一丸密念呪三遍或病人不

能呪請人呪

或師氏呪過

呪曰

信香十方青金膏

藥師圓成蜜遍拋

普濟有緣除百病

仰吞一粒體堅牢

密呪曰

但言八金剛

莫說十方佛

五蘊六根俱不道

十二上願自然成

金黃丸

治酒積食積諸積面黃疽積硬塊

荆三稜

香附子

半兩

澤瀉

二錢半

芭豆

四十九粒出由

黍米粉

牽牛

二錢半

右爲末用梔子煎湯和丸如棗豆大每服三丸  
至五丸如心痛艾醋湯下七丸

逆氣丸 治心胸滿悶脇肋刺痛不思飲食常服寬

膈進美飲食

薑黃四兩香附子四兩縮砂 甘草 廣茂各二兩

丁香皮 甘松 木香 荊三稜各一兩

白檀半兩藿香葉半兩

右爲末入棗豆粉二兩用湯浸蒸餅爲丸如桐  
子大每服三二十九丸細嚼日湯下食後日進三  
服



丁香散 治疝瘕氣脇下痞滿息而不消積而不散

元氣在胃不妨食者

好丁香 二十五個

白丁香 七十箇

密陀僧

舶上硫黃

黃鶯調 各五分

右爲細末每服一字皂子煎湯調下不計時候

治肚内生硬物黑瘦如柴嘔吐積滯日三服食

後

聖餅子 治一切沉積氣脹兩脇氣滿無問久新者

大黃 兩三 黑牽牛頭末 兩一

硃砂 錢三 山梔子 半兩

輕粉 二錢

右爲末煉蜜和丸拾作餅子如小錢大厚糕食  
後每服三餅子細嚼溫酒下臨卧如行喘補之

虛實加減

無憂散

一名萬病散

治風疾瘡腫疥癬或臟腑積冷壅滯

氣結風勞膀胱宿冷臟腑虛衰面色痿黃內有癥  
癖氣并宮看疰蟲蛇蠱攻心腹俱痛忍中傷寒頭  
痛不忍狀若山嵐時氣瘟疫之疾並宜急服此藥  
宜通三五行立瘳或中風口喎語多蹇澁睡後曰  
中涎出不限時節不問男子女人但五日一服不  
過三服永瘳人患腰膝疼痛脚氣腫滿運動艱難

飲食無味并小兒瘡癩脰肛者量大小與服和三五  
行自瘥大人久泄氣痢狀若休息痢並有時俱  
一服取下冷脹一二升當日見効藥無四時冷熱  
老幼衣弱病患悉皆除之在服他藥無妨若服常  
時盡緣搜出藏府中積滯蟲膿故也無孕婦人久  
患血虛氣弱痿黃無力者亦可依方服宜通氣候  
殊不困倦無妨此藥凡有百病並皆治之其功不  
可具載有孕婦人或遇陰晦時即不可服天道晴  
廟可進若雖復疾而未愈者再可服

黃耆

木通

桑白皮

陳皮

各二兩

胡椒

白木 木香 合半兩

白牽牛 四兩炒別取頭末

右七味爲細末每服二錢牽牛末二錢生薑三錢切作片子煎生薑湯一大盞調藥須臾又用生薑湯或溫湯送下平明可行三五次快利無妨如病瘥後以白粥補之痊矣

### 五積丹

治心腹痞滿嘔吐不止破積聚者

皂荚一鈺

一尺二寸火燒留性淨盆合之四而十壅合物令出煙

芭豆

十二箇白麩一兩五錢同炒令黃色爲度

右爲末醋麩糊爲丸菉豆大每服十九鹽湯下

食後加減



命新以漸

黃白與一兩正

皇英一

命以期家

白木

木香

白字

木香

白字

白字

黃帝素問宣明論方卷之八

河間 劉守真 撰集

新安 吳勉學 校

水濕門

夫諸濕者濕為土氣火熱能生土濕也故夏熱則萬物濕潤秋涼則濕物燥乾也濕病本不自生因於大熱怫鬱水液不能宣通即停滯而生水濕也凡病濕者多自熱生而熱氣尚多以為兼證云濕熱亦猶風熱義同雖病水寒不得宣行亦能為濕雖

有此異亦以鮮矣或跗腫體寒而有水者以膏熱入裏極深本非病寒也

三花神祐丸

治中滿腹脹喘嗽淋瀝一切水濕腫

滿濕熱腸垢沉積變生疾病久病不已黃瘦困倦  
氣血壅滯不得宣通或風熱燥鬱肢體麻痺走注  
疼痛風痰涎嗽頭目旋運瘡疾不已癰疽積聚堅  
滿痞悶酒積食積一切痰飲嘔逆及婦人經病不  
快帶下淋瀝無問赤白并男子婦人傷寒濕熱腹  
滿實痛久新瘦弱俗不能別辨或沈常只爲轉動  
之藥兼瀉久新腰痛并一切下痢及小兒驚癇積

熟乳癖滿並宜服之

甘遂

大戟

芫花

醋拌濕炒各半兩

牽牛

二兩

大黃

一兩為細末

輕粉

一錢

右為末滴水為丸如小豆大初服五丸每服加五丸溫水下每日三服加至快利利後却常服病去為度設病愈後老弱虛人平人常服保養宜通氣血消進酒食病癖悶極甚者便多服則頓攻不開轉加痛悶則初服兩丸每服加兩丸至快利為度以意消息小兒丸如麻子大隨強弱增損三四歲者三五丸依前法



崔宣武神祐丸

加黃柏兩一牽牛兩四大黃兩二輕粉錢二甘遂 大戟

芫花各一分  
依前法

劉庭瑞神祐丸 用此藥治水氣常得效 賈同知

稱之不巳乃神仙奇絕之藥也

葶藶木香散 治濕熱內外甚水腫腹脹小便赤澀

大便滑洩

葶藶 茯苓去皮猪苓去皮白朮各一分木香半錢

澤瀉 木通 甘草各半兩 辣桂一分 滑石三兩

右為末每服三錢白湯調下食前○此藥下水

濕消腫脹止洩瀉利小便若小便不得通利而反轉泄者此乃濕熱痞悶極熱而攻之不開是能反為注泄此正氣已衰而多難救也慎不可攻之而無益耳

白朮木香散 治喘嗽腫滿欲變成水病者不能臥

不敢食小便闕者

白朮 木猪苓去皮 赤茯苓 甘草 澤瀉各半兩

木香 檳榔三錢 陳皮二兩 官桂二錢 滑石三兩

右為末每服五錢水一盞生薑三片同煎至六

分食後去滓溫服

大橘皮湯 治濕熱內甚心腹脹滿水腫小便不利

大便滑洩

橘皮一兩 木香一分 滑石六兩 檳榔三錢 茯苓一兩  
去白皮

木猪苓皮 澤瀉 白朮 官桂各半 甘草二錢

右為末每服五錢水一盞生薑五片煎至六分

去滓溫服大小便秘先服十棗湯  
二三日後再服此藥

葶藶膏 治水腫腹脹

牛黃 麝香 龍腦各一分 昆布 海藻上同二分

牽牛 桂心一分 椒目三分 葶藶六分

右為末別搗葶藶熬成膏丸如桐子大每服十

九日再服稍利小便為度詳虛實加減

茯苓散 治諸般氣腫等疾

芫花

醋拌炒

澤瀉

郁李仁

甜葶藶

漢防已

各二錢半

陳皮

去白

白檳榔

瞿麥

各半兩

藁本

二錢半

滑石

三分

大戟

炒三分

右為細末每服一錢取桑白皮濃煎湯空心調下取下碧淥水如爛羊脂即瘥如未盡隔日又服腫消如故不用服忌鹽百日

調胃散 治胸膈痞悶不思飲食脇肋硬痛消腹脹

半夏

製

甘草

炙

厚朴

去皮

陳皮

去白

藿香

各等分



右為未每服一錢生薑三片棗二枚水一盞同

煎溫服食前

一氣散 治水氣蠱脹滿

白牽牛 黑牽牛 各二錢

右為末用大麥麩四兩同一處為燒餅臨臥用

茶湯一盞下降氣為驗

### 雄黃神金散

雄黃 葶藶 一兩用糯米和 澤瀉 二兩 椒目 兩

大戟 芭戟 去心 茯苓 去黑皮 芫花 醋五升浸一日

甘遂 桑白皮 已上各一兩

右爲末從發時加減一分空心用井花水調下  
每服一錢加至五錢以利爲度忌鹽醋生冷毒  
物油膩血物

從脚腫根在心加葶藶

從肚腫根在腹加椒目

從陰腫根在胸加澤瀉

從膝腫根在肝加芫花

從面腫根在肺加桑白

從心腫根在肋加雄黃

從肢腫根在脾加甘遂

從口腫根在小腸加巴戟

從腰腫根在腎加大戟

從四肢腫根在筋加茯苓

萬勝散 治十種水氣不可愈者

海帶

海藻

海蛤

芫花

醋浸

甘遂

大戟

甜葶藶

樟柳根

續隨子

芭戟

各等分  
去心

右爲末每服三錢至五錢温酒調下臨臥開其

再服

牽牛丸 治一切濕熱腫滿等疾

黑牽牛

黃芩

大黃

大椒

滑石

各等分

右爲細末酒煮麩糊和丸如桐子大每服五丸

至七丸生薑湯下食後虛實加減

梔子蘗皮湯

治頭微汗小便利而微發黃者濕熱

相搏微者宜服

大梔子十五箇

黃蘗半兩

甘草一分

右剉如麻豆大水三盞煮至一盞緩汁分三次作一日服溫喫不計時候

大戟丸 治十腫水氣腫脹喘滿熱寒咳嗽心胸痞悶背項拘急膀胱緊腫於小腹小便不通反轉大便澹泄不能坐臥

大戟 芫花醋炒 甘遂

海帶 海藻

郁李仁 續隨子各半兩

樟柳根一兩已上入味

為末每料炒藥末十五錢七分便入後藥 硃砂

輕粉各一錢

粉霜各一錢 水銀砂子一皂子大

龍腦半錢



芭豆

二十一箇  
主用去皮

右八味已下同研勻用棗肉為丸如菉豆大每服五丸至七丸龍腦臘茶送下食後臨卧虛實加減

粉霜丸 治病水鼓滿不食四肢浮腫大小便闕不

進飲食

粉霜

礪砂

海蛤

寒水石

燒粉

玄精石

白丁香

頭白麩

各一錢

輕粉

三錢

海金沙

一錢

右研勻着紙裹數重上使麩裹又紙裹冷酒煎

了桑柴火燒麪熟爲度宿証餅和丸如梔子大  
每服三丸生薑湯下一日三服二日加一丸至  
六日不加即止以補之妙

苦葶藶丸

治一切水濕氣通身腫滿不可當者

人參二兩

苦葶藶

四兩於鍋內紙上炒黃色爲度

右二味同爲細末用棗肉和丸如桐子大每服  
十五丸煎桑白皮湯下日進三服空心食前○  
此藥恐君子不信試驗之

肉豆蔻丸

治水濕脹如鼓不食者病可下

肉豆蔻

檳榔

輕粉

黑牽牛

各一分 一兩半 取頭末

右爲末麪糊爲丸如菉豆大每服十丸至二十丸前蓮翹湯下食後日三服

黃帝素問宣明論方卷之九

河間 劉守真 撰集

新安 吳勉學 校

痰飲門

痰飲論

夫嗽者五臟皆有嗽皆因內傷脾胃外感風邪皮毛屬肺風寒隨玄府而入腠理開張內外相合先傳肺而入遂成咳嗽迺肺熱也寒化熱熱則生痰喘滿也經云喉中介介如梗狀甚則嗽血也胸滿氣喘痰盛



稠粘皆肺氣熱也

大人參半夏丸

治化痰墜涎止嗽定喘諸痰不可

盡述嘔吐痰逆痰厥頭痛風氣偏正頭疼風壅頭  
目昏眩耳鳴鼻塞咽膈不利心腹痞滿筋脉拘倦  
肢體麻痺疼痛中風偏枯咳唾稠粘肺痿勞虛人  
保養宜通氣血調和臟腑進飲食

人參

茯苓

去皮

天南星

薄荷葉

各半兩

半夏

乾生薑

白礬

生

寒水石

各一兩

蛤粉

一兩

藿香葉

一分

右為末麪糊為丸如小豆大生薑湯下二三十

丸食後溫水亦得一法加黃連半兩黃蘗二兩  
木丸取効愈妙治酒病調和藏尤宜服之

新添半夏瓜蒌丸

治遠近痰嗽煩喘不止者

半夏

生薑製

瓜蒌

杏仁

去皮尖

麻黃

白礬

枯秤

欵冬花

各等分

右為末生薑汁打麩糊為丸如梧子大每服二

十丸煎生薑湯下不計時候

白木厚朴湯

治痰嘔不散利胸膈除寒熱美飲食

白木

甘草炙

葛根

各一兩

厚朴

半兩

右件為末每服一二錢水一大盞生薑五片煎

至六分去滓食前服顯仁丸仙朮芎散大人參  
半夏丸

橘皮半夏湯

治痰壅涎嗽久不已者常服養液潤

燥解肌熱止咳嗽

橘皮

半兩  
去皮

半夏

二錢半湯  
洗七次

右爲末分作二服每服水一盞半入生薑十片

同煎至七分去滓溫服

知母茯苓湯

治肺痿喘咳不已往來寒熱自汗

茯苓

去  
皮

甘草

各一  
兩

知母

五味子

人參

薄荷

半夏

洗土  
次

柴胡

白朮

款冬花

桔梗 麥門冬

黃芩半兩 川芎三錢 阿膠三錢

右為末每服三錢水一盞半生薑十片同煎至七分去滓稍熱服

人參潤肺湯 治肺氣不足喘急咳嗽不已并傷寒

頭疼增寒壯熱四肢疼痛

人參 桔梗 白芷 麻黃去節 乾葛 白朮

甘草名一兩多 白薑半兩

右為末每服二錢水一大盞生薑三片葱白二寸煎至八分如出汗連進二服通口溫服

杏仁半夏湯 治肺痿涎喘不定咳嗽不已及甚者



往來寒暑

杏仁去皮桔梗

陳皮去白茯苓去皮漢防已

白礬

桑白皮各三錢

薄荷葉一錢

甘草二錢

猪牙皂角一錢

右為末作二服水二盞生薑三片煎至六分去

滓食後溫服

防已丸 治肺不足喘嗽久不已者調順氣血消化

痰涎

防已二錢杏仁三錢木香二錢

右為末煉蜜為丸如小豆大每服二十丸前桑

白皮湯下如大便調加葶藶一兩食後服

葶藶散

治肺氣喘滿痰嗽眠卧不安不思飲食

苦葶藶

蛤粉

各三錢

桑白皮

山梔子

人參

荆芥穗

薄荷葉

赤茯苓

去皮

陳皮

桔梗

杏仁

甘草

各半兩

右為末每服三錢水一大盞入生薑三片煎至

六分去滓溫服食後

保安半夏丸

治久新諸嗽或上逆涎喘短氣痰鳴

咽乾煩渴大小便澁滯肺痿勞劣心腹痞滿急痛

中滿膈氣上實下虛洒食積聚不消補養氣血宜

行榮衛

半夏

天南星

各半兩

牽牛

一兩

大黃

半兩

黃蘗

半兩

蛤粉

一兩

芭豆

四箇

右為末水為丸如小豆大每服十丸十五丸溫水下食後日三服孕婦不可服又方無芭豆有

乾薑一錢半

人參保肺湯

治五勞七傷喘氣不接涎痰稠粘骨

蒸潮熱

人參

柴胡

當歸

芍藥

桑白皮

知母

白木

川芎

黃耆

紫苑

荆芥

地骨皮

各一分

茯苓

去皮黃苓

連翹

大黃

薄荷

各半兩山  
梔子同

甘草

桔梗

各一兩

石膏

滑石

寒水石

半兩

右為末每服三錢水一盞生薑三片煎至七分

去滓溫服泄者去大黃同人參半夏丸服

神應丹

治涎嗽喘滿上攻心腹卒痛及利下血兼

婦人帶下病一切肋脇痛滿

薄荷葉

甘草

四錢

芭豆

燈燒存性

盆硝

各二錢

輕粉

二錢

豆豉

一兩慢火炒

五靈脂

二錢

右為末煉蜜為丸如桐子大每服一丸溫酒送下



下續後空嚥津三五次禁飲食少時覺咽喉微  
煖効心腹急痛温酒下二丸未効再服得利丸  
良帶下以温酒下二丸或大便流利再服

人參散

治身熱頭痛積熱黃瘦肌熱惡寒畜熱發

戰膈熱嘔吐煩渴濕熱瀉利或目赤口瘡咽喉腫  
痛或風昏眩虛汗肺痿勞嗽不已者

石膏

甘草

各兩

滑石

四兩

寒水石

二兩

人參

半兩

右為末每服二錢温水調下早晚食後兼服

子金花丸

一名既濟解毒丸

寧神散

治一切痰嗽不已者諸藥無効世傳極驗

御米囊

一斤生醋炒

烏梅

四兩

右為末每服二三錢沸湯點常服食後日三服

賈同知方

御米殼

炒兩

烏梅肉

半兩

依前法服之

康少尹傳

煎烏梅湯亦妙

桂苓白朮丸

治消痰逆止咳嗽散痞滿壅塞開堅

結滯悶推進飲食調和藏無問寒濕濕熱嘔吐瀉

痢皆能開發以令遍身流濕潤燥氣液宣平而愈

解酒毒療肺痿勞嗽水腫腹脹泄瀉不能止者服

之利止為度隨證調之

揀桂

乾生薑

茯苓

去皮

半夏

一兩

白朮

紅皮白麩澤瀉各半兩

右為末麩糊為丸如小豆大生薑湯下二三

左日三服病在膈上食後在下食前在中不計

時候或一法更加黃連半兩黃蘗二兩水丸取

効愈妙

潤肺散 治小兒膈熱咳嗽痰喘甚者久不瘥者

瓜蒞實 一枚去子用

右為末以寒食麩和為餅子炙黃為末每服三

錢溫水化乳糖下日三服効乃止

又方 治寒嗽

麻黃 四兩 宮桂 一兩 礬 二錢

右為末以礬同煎每服一二錢溫服

寧肺散 治一切寒熱痰盛久新咳嗽不止者

御米殼 四兩 木瓜 三兩  
御米殼一處用蜜  
二兩水化同炒微黃

五味子 一兩 人參 一兩 皂角 二兩

右為末每服二錢烏梅同煎臨卧食服大効

鱉甲丸 治吐血咳嗽神効

鱉甲 一箇九助  
者醋炙黃 柴胡 一兩酒浸一宿

杏仁 一兩童子  
小便浸炒 甘遂 一兩炙 人參 半兩

右為末煉蜜為丸如桐子大每服十九至十五



九煎生薑湯下

又方 用厚朴 一兩生薑製

石膏散 治熱嗽喘甚者

石膏 一兩 甘草 半兩炙

右為末每服三錢新汲水下又生薑汁蜜調下

人參半夏丸 治一切痰飲喘嗽不已

白礬 天南星 半夏 各半 甘草 二錢半炙

人參 二錢 赤小豆 四十九粒 杏仁 四十九粒

猪牙皂角 一錠

右為末秋米三升醋一升熬粥和丸如桐子大

每服十五丸炒羅卜子湯臨卧下

仙人肢丸 治遠年勞嗽不問寒熱痰涎喘滿先服

松花膏下過多服此藥無不効

人參 沙參 玄參 紫團參 丹參

白木 牡礪 知母 甘草 各二兩 蛤蚧 一星頭

全用河水淨洗交  
武火酥炙黃色

右為末用麻黃十五斤去根枸杞子三斤熬成

膏丸如彈子大磁合子內盛臨卧煎生薑自然

汁化下一丸小兒量數加減

松花膏 治三二十年勞嗽預九月開宣利一切痰

涎肺積喘嗽不利

防風 乾生薑 野菊花 芫花 枸杞子

甘草 蒼朮 黃精

右為末取黃精根熬成膏子和藥末丸如彈子  
大每服細嚼一丸冷水化下臨卧不喫夜飯服

藥一粒

辰砂半夏丸 治小兒肺壅痰實咳嗽喘急胸膈痞

滿公松煩悶痰涎不利呀呷有聲

半夏半兩 葶蘆水研成膏 杏仁各半兩炒研成膏 朱砂

五靈脂各一兩

右爲末更研勻生薑汁煮麩糊爲丸如相子大  
每服十五丸生薑湯下

大百勞散 治一切勞疾肌劣喘息不卧痰涎不食

蛤蚧一對 元州鱉甲一箇去 附子一兩 人參

柴胡 川乾薑 白茯苓去 白朮 茴香

青皮去 杏仁去 知母 貝母 陳皮去

官桂 甘草炙 半夏生薑 蒼朮湯浸各一兩蘇

右爲末每服二錢水一盃用生薑三片棗二枚

烏梅二枚同煎空心稍熱服有汗加小麥二十

粒不用鐵煎



小百勞末 治勞喘嗽不已自汗者

御米殼 不拘多少炒

右為末每服二錢入烏梅同煎水一盞溫服食後有汗加小麥三十粒同煎溫服

五味子湯 治胸膈痞滿心腹刺痛短氣噎悶咳嗽

痰唾嘔逆惡心不思飲食溫中益氣

五味子 九兩 良薑 一兩 紅皮 去白 茴香 炒各一兩 乾薑 半兩

甘草 七兩 鹽 炒一斤

右為細末每服一錢百沸湯點空心食前甚者

日進三服

安神散 治遠年近日喘嗽不已

御米殼 蜜炒一兩 人參 陳皮 去白 甘草 一兩

右為末每服一錢煎烏梅湯調下臨卧服

勞門

白朮黃耆散 治五心煩自汗四肢痿劣飲食減少

肌瘦昏昧

白朮 黃耆 當歸 黃芩 去皮 芍藥 各半

石膏 甘草 各兩 茯苓 寒水石 各一兩 官桂 一分

人參 川芎 各三分

右為末每服三錢水一盞煎至六分去滓温服

食前一日三服

人參白朮湯方 在消渴門第一方是也

此乃為同不復錄耳

黃連丸

治濕熱流運氣血不通壅滯不散清爽頭

目

黃連

好者不拘多少

右為末酒麩糊為丸如小豆大每服二十九丸温  
水下不計時候日三服

必効散

治五勞七傷勞役肌瘦不思飲食喘嗽不

已

川烏頭 一兩生

天南星 半兩生

右為末每服二錢蘿菔入地如丹指大以水煮  
熟去滓食後服嚼

當歸地黃湯 治嗽血衄血大小便血或婦人經候  
不調月水過多喘嗽者

當歸 芍藥 川芎 白朮 染槐子

黃藥子 各半兩 生地黃 甘草 茯苓 去皮

黃芩 白龍骨 各一兩

右為末每服三錢水一盞煎至七分去滓溫服

食前

紫苑散 治勞體熱心寒脉滑短咳嗽婦人多有此



疾口乾眼溢骨痠短氣皆因腸胃燥滯榮衛不能  
開發玄府閉塞熱鬱內餘可以開發陰陽宣通滋  
滯和榮衛順三焦兼服人參白朮湯

紫苑

桑白皮

桔梗

續斷

甘草

五味子

各一兩

赤小豆

一合

右爲末水一大盞藥末五錢青竹茹彈子大同  
煎至七分溫服去滓

枳實飲子

治婦人手足煩熱夜卧多汗肌肉黃瘁

經候不調四肢煩倦心腹滿悶狀似勞氣

枳壳

一兩

吳半夏

一兩湯洗七次以生薑汁

浸三日火炒黃魚用半夏

紅芍藥

柴胡各一兩

黃芩半

一兩

右爲末每服二錢水一盞生薑三片棗二枚同煎至八分去滓溫服及治五心煩熱及身體壯熱潮熱續服桃仁煎丸又治月經不調阻滯不通

桃仁

二兩湯浸火炒

川大黃

川朴

各二兩

蛭蟲

一兩去翅頭足

右爲末用醋五升入金銀罐內以慢火熬成膏可丸如桐子大當日晚不食夜飯溫酒下一丸不嚼破午際取下赤小豆汁似雞肝小蝦蟇衣

未再服候鮮紅即住服

盧同散 治男子婦人一切咳嗽喘急

欵冬花 井泉石 鵝管石 鍾乳石 官桂

甘草 白礬 佛耳草 各等分

右為末每服一錢竹筒子吸喫日三服立効

焚香透膈散 治一切勞咳喘壅滯胸膈痞滿

雄黃 佛耳草 鵝管石 欵冬花 各等分

右為末每服用藥一錢安在香爐子上焚着以

開口吸烟在喉中立効

薰粟神聖散 治男子婦人久新日夜咳嗽不止者

御米殼一兩用蜜炒 烏梅肉 揀人參 呵子肉

葶藶 桑白皮 各半兩

右為細末每服二三錢百沸湯潑母調下

新添三黃丸 治五勞七傷流濕潤燥消渴煩熱甚

者

大黃 黃芩 黃連各等分

右為末煉蜜為丸如桐子大每服二三十九加

至五十九在薑湯下不計時候日三服妙

當歸木香湯 治婦人血氣虛勞令人頭目昏眩讖

語聲沉重舌根強硬言語蹇澁口苦不思飲食白



日間睡夜發虛汗神思恍惚夢寐狂言面色痿黃  
頻發喘咳遍身疼痛骨節氣走注四肢沉重背脾  
拘急發寒熱五心煩燥唇乾多渴胸膈不利喉咽  
噎塞疔羸瘦弱經曰脉大為勞宜服此藥

青皮 五加皮 海桐皮 桑白皮 陳皮

地骨皮 丁香皮 牡丹皮 棕蘆皮 已上諸藥全燒

為灰末用十大錢秤 當歸 木香 紅芍藥 共兩

右為細末每服一錢水一盞入小油二點錢一

文同煎至七分溫服如婦人血臍臍下冷痛似

刀攪遍身腫滿室女經脉不通用斑猫一兩大

黃一兩炒剉二味爲末用黃狗膽汁以溫酒調  
下一錢如臍下痛止心間痰未止不服二味